



UPA 2014/8.1
26. marts 2014
KVK

Inatsisartut ilassutitut aningaasaliissutitut inatsisissaannut siunnersuut 2013.

(Aningaasaqarnermut Nunamullu Namminermut Naalakkersuisoq)

2013-imut ilassutitut aningaasaliissutitut inatsisissatut siunnersuut ataatsimut isigalugu Inuit Ataqatigiit-niit akueraarput, tassami pineqarpoq piffissami qaangiuttumi aningaasaliissutit isertitallu nikerartinneqarsimasut Inatsisartut Aningaasaqarnermut Ataatsimiititaliaanni isummersorfigineqareersimasut akuerineqarsimasullu.

Taamaakkaluartoq IAI 2013-mut tunngatillugu missigersuutigineqarsimasuniit qaffasinnerusunik aningaasartorfigineqarsimasut ataasiakkaat pillugit Inuit Ataqatigiit-niit oqaaseqaateqassaagut. Pineqartut tassaapput ukiumi qaangiuttumi naalakkersuinermit tunngasutigut oqallisigineqarnerpaanut ilaasut.

Siullermik kontomut 10.01.01-mut tunngatillugu maluginiagassaavoq Naalakkersuisut siulittaasuata naalakkersuisoqarfiani sulisut soraartut soraarsitallu akissarsiassaannut, aningaasarsiaqarallarnissaannut, taarsiiffigineqarnissaannut soraarsitsinernullu atasumik inatsisilerituunik sulisitsinermit immikkut aningaasartuuteqarsimaneq. Aningaasartuutigisimasanut 500.000,-inik ilassuteqartoqarsimavoq, ilimanarporli aningaasartuutaasimasut taakkunannga qaffasinnerusimassasut, pingaartumik naalakkersuisoqarfinni allani sulisorineqartut soraartut soraarsitallu allat arlaqarmata.

Aappaatut, aalisarnermik ineriartortitsinermit aningaasaliissutit (aningasaliiffik xxxxx) 2 mio. kr.-ngajannik apparneqarnerat maluginiagassaavoq, tassani pissutaalluni aalisarsinnaanermut akuersissutitut akiliisitsisarnerup atorunnaarsinneqarnera pissutaalluni. Aamma tamatuma nassatariisaanik aalisarnermi nakkutilliinermit aningaasaliissutit taamaaqataanik qaffattariaqarsimapput, akiliisitsisarnermiit isertitassaraluit taarserlugit.

Pingajuattut, aningaasaliiffik 73.01.01 qaffaavigineqartariaqarsimavoq naalakkersuisoqarfiit amerlineqarnerat aammalu naalakkersuisoqarfio-reersup avinneqarnera pissutigalugit. Qulaanili taasakka isornartutut isigaavut taamatullu iliorsimanagerit isumaqatiginngikkivut ilisimaneqareerpoq.

Ukiumi 2013-imi missingersuutit naatsorsuutillu imminnut qanittuarakasi-upput allatut oqaatigalugu missingersuusionerq pissutsinik piviusunik tungaveqarsimasoq naatsorsuutini takuneqarsinnaavoq.

Naatsorsuutigaara suliaq manna Aningaasaqarnermut Ataatsimiititaliami aamma sammineqarumaarpoq.